

丰自序

湖南山中與胡給事夜話

汪圓通云胡濬巡訪之九年行次湖南憇騶山中一夕  
三更人靜茶冷澄清忽聽有叩門聲俄然扉影自啟見  
一道者貌似丰翁胡欲狂叫先生急掩其口拂几細談  
而去此事明一代無有知者昨先生降吾署中言及此  
事齡乃濡毫記之其言曰

老先生巡行天下久矣鼎湖龍既不可見空谷駒又不可得能  
不虛此遨遊乎今感故人之誼權爲雪夜之尋突如其來幸勿  
驚也夫月滿湖山風清舍館南寺鐘殘西窗煙冷先生此時亦  
曾憶天池老衲是閣下前身否子休矣歸去朝端善爲我隱見  
作不見知作不知庶不至車殆馬煩之後重爲萬里勞人也北  
還復命計以明年一路民情敷陳聖聽其亦先生之功德也哉

道藏輯要

三丰全集

古文

三

續畢集七